

NAFARROARI. ¹



Armetan daukazkitzun kate sendóak
 Ez dira iñor lotzeko zuk or jarriyak:
 Dira mairu² gogorrai kendutakoak,
 Libre bizi zitezen kristau erriyak:
 Orregatik Nabas-en zure besóak,
 Beti indartsúak, beti garailariyak,
 Ziran sekula baño gogorragóak,
 Ziran mairuentzako chimist sutiyak...
 ¿Nola aztu egun artan, denak azkarrak,
 Lagun zirala Nafar ta Bizkaitarrak,
 Lagun Gipuzkoakoak eta Arabarrak?...
 Denak anaiyak... ¡Denen biotz nobléak
 Sutzen zituen ¡aurrera! esateak!
 ¿Ez gera izango beti elkar maiteak?

KARMELO ECHEGARAY-KOAK.



(1) Soneto premiado con *medalla de plata* en los Juegos florales celebrados en esta Ciudad en 1889. (Véase pág. 564 del tomo anterior).

(2) Mairuak=Los moros.